



Bases legais da Promoción “Recibos”

CONDICIÓN DA PROMOCIÓN

A entidade mercantil BANCO BILBAO VIZCAYA ARGENTARIA, S.A., con domicilio en Bilbao, Plaza de San Nicolás n.º 4, e provista do CIF n.º A48265169 (de agora en diante, “BBVA”) organiza a presente promoción denominada “Recibos” (de agora en diante, a “Promoción”), que se rexerá polas seguintes bases legais (de agora en diante, as “Bases Legais”).

1. En que consiste a Promoción?

A Promoción ten por obxecto incentivar a alta de clientes en liña, así como a domiciliación de polo menos un débito asociado a servizos de gas, luz, teléfono ou Internet na conta do BBVA (de agora en diante, “Débito”) e correspondente a unha das empresas recollidas nestas bases legais. Ademais, requírese manter un saldo medio diario de polo menos 400 € na conta do BBVA durante 6 meses consecutivos a partir da data en que te deas de alta como cliente (de agora en diante, “Período de Bonificación”).

Pola domiciliación na túa conta do BBVA de polo menos un débito, correspondente a algún dos servizos citados anteriormente, obterás unha bonificación máxima mensual de 35 € netos na túa conta (43,21 € brutos), cunha bonificación máxima acumulable de 210 € netos (259,26 € brutos).

O Período de Bonificación non está asociado ao inicio da domiciliación, senón que é fixo por 6 meses sucesivos contados desde que completes o proceso de alta como cliente.

Os servizos cuxa domiciliación de débitos dan dereito á bonificación teñen que ser prestados por:

- Naturgy
- Endesa
- Iberdrola
- Repsol
- EDP
- Orange
- Vodafone
- Telefónica
- MásMóvil
- Virgin Telco
- Telecable

- O2
- Simyo
- Jazztel
- Amena
- Tuenti móvil
- Lowi
- Digi
- Yoigo

Esta promoción é exclusiva do BBVA e, polo tanto, os servizos de gas, luz, teléfono ou Internet indicados, así como as empresas que os representan, non colaboran no seu desenvolvemento.

A condición de saldo medio contable diario calcularase, para cada un dos 6 períodos de verificación de condicións ao recibir o primeiro cargo domiciliado e sucesivos, como a media diaria dos saldos da conta asociada á promoción no peche de sesión (21:00 h) dos últimos 25 días naturais anteriores á data do cargo.

2. A quen vai dirixida a Promoción?

A Promoción está destinada a persoas físicas maiores de 18 anos na data de inicio da Promoción, residentes en territorio español e que se desen de alta no BBVA polas vías explicadas no apartado 1.

Esta promoción non ten incompatibilidades con outras promocións.

3. Quen está excluído de participar na Promoción?

Quedarás excluído da participación na Promoción se, durante o período de vixencia e ata a entrega da bonificación, es debedor fronte ao BBVA por calquera cantidade vencida e esixible. Nese suposto, terás que regularizar a situación antes da recepción da bonificación. Se chegada a data para o ingreso da bonificación non regularizaches a débeda, perderás o dereito a recibila e non che será ingresada.

Quedarás excluído da participación na Promoción en caso de que interviñeses na súa organización, así como se es empregado en activo e prexubilado tanto do BBVA como do seu grupo de empresas.

Esta promoción é exclusiva do BBVA e non é acumulable a outras ofertas ou descontos en curso tanto do BBVA como dos servizos detallados no apartado 1.

4. Canto dura a Promoción?

O prazo durante o que podes participar na Promoción dará comezo o día 25 de xuño de 2023 ás 00:00 horas (hora peninsular española) e finalizará o día 30 de setembro de 2023 ás 23:59 horas (hora peninsular española), ambos incluídos (de agora en diante, o "Período de vixencia").

5. Que pasos debes seguir para poderes participar na Promoción?

Para poderes participar na Promoción debes seguir os seguintes pasos:

- Non ser cliente do BBVA.
- Que non causes baixa como cliente BBVA durante os seis (6) meses anteriores ao comezo da Promoción.
- Aceptar as Bases Legais durante o "Período de Vixencia" e realizar as seguintes actuacións:
 - Darte de alta por Internet en bbva.es, m.bbva.e ou na app contratando o produto Conta Online BBVA (de agora en diante, a "Conta BBVA") máis a tarxeta Aqua Débito/Crédito (de agora en diante, a "Tarxeta").
 - Realizar a domiciliación de polo menos un débito asociado a servizos de gas, luz, teléfono ou Internet na Conta Online BBVA e correspondente a unha das empresas recollidas nestas bases legais.
 - Manter un saldo medio diario de 400 €.

Disporás dun prazo máximo de trinta (30) días naturais, desde a sinatura do contrato da Conta BBVA, para enviases a información e documentación solicitada polo BBVA para a contratación e alta da Conta BBVA e, en consecuencia, a súa entrada en vigor. Se transcorrido ese prazo a Conta BBVA non estivese operativa porque non se puido dar de alta por falta da información e da documentación solicitadas, a Promoción quedará cancelada.

6. Que bonificación recibirás e cando?

Para poderes recibir a bonificación establecida nesta promoción, como cliente, deberás cumprir dúas condicións en cada un dos 6 meses que foron establecidos como Período de Bonificación:

- A domiciliación e o cargo de polo menos un Débito asociado a servizos de gas, luz, teléfono ou Internet das empresas mencionadas na conta do BBVA (de agora en diante, "Débito").
- O mantemento dun saldo medio diario de polo menos de 400 € na mesma Conta BBVA durante os últimos 25 días naturais anteriores á data de cargo.

En cada un dos períodos verifícaranse as dúas condicións e, se algunha delas non se cumpre, nese período non se realizará o aboamento da bonificación.

Se cumpres coa condición de saldo medio diario nun mes, cando recibas un cargo asociado á domiciliación dun Débito por un importe igual ou superior a 35 € na túa conta BBVA, seguindo os pasos indicados no apartado 5, recibirás, nese mes, unha bonificación de 35 € netos (43,21 € brutos) na túa conta BBVA. Se o importe do débito é menor a 35 €, a bonificación será igual ao importe do débito.

En caso de realizares a domiciliación de diferentes Débitos, só se che bonificará o cargo dun deles, non terá que ser o mesmo Débito cada mes e corresponderá con aquel Débito dalgunha das empresas mencionadas cuxo cargo mensual na túa Conta BBVA se realice en primeiro lugar. Esta comprobación realizarase con carácter mensual e corresponderá con cada un dos Períodos de Bonificación establecidos no apartado 1. Por tanto, se algún cargo obedece a un período de domiciliación distinto do mensual (cargo bimensual, trimestral, anual, etc.), só se che bonificará aquel cargo que estea dentro do Período de Bonificación establecido no apartado 1 e nos termos recollidos no parágrafo anterior.

O ingreso da bonificación estará supeditado ao cumprimento das condicións previstas nestas bases legais.

O BBVA realizarache o ingreso da bonificación tras verificar as condicións establecidas nas Bases Legais unha vez pasados un mínimo de sete (7) días e ata un máximo de seis (6) meses desde o cargo do débito e cuxa tipoloxía coincida con algunha das descritas no apartado 1.

A bonificación non será susceptible de cambio, alteración ou compensación. Se rexeitas a bonificación, non se che ofrecerá ningunha alternativa.

No suposto de non existiren participantes, o BBVA poderá declarar deserta a Promoción.

7. Como se notifica o premio?

A comunicación da bonificación realizarase, como moi tarde, aos seis (6) meses contados desde a realización do cargo do débito cuxa tipoloxía coincida coas descritas no apartado 1.

Realizarase mediante o propio ingreso da bonificación na Conta Online BBVA titularidade do bonificado, co concepto "Bonificación Promoción comercial" e nas observacións: "Bonificación Promoción Recibos 35".

8. Que supón a aceptación das Bases Legais?

A aceptación das Bases Legais supón a plena conformidade coas elas, así como a aceptación do criterio do BBVA na resolución de calquera conflito que puidese xerar a interpretación destas. Como participante, deberás seguir as instrucións que puidese cursar, se é o caso, o BBVA.

O BBVA resérvase o dereito de desqualificarte, segundo o seu criterio exclusivo, se manipulas, intentas manipular a Promoción ou violas calquera dos termos e condicións das Bases Legais.

O BBVA poderá adoptar as decisións necesarias para a resolución das controversias e conflitos que xurdan no desenvolvemento da Promoción, sempre que estas non te prexudiquen indebidamente e resulten equitativas.

No suposto de non cumprires as condicións de participación anteriormente aplicables, ou de non cumprires con todos os requisitos establecidos nas Bases Legais, non terás dereito a recibir a bonificación nos termos establecidos nestas.

9. Que acontece en caso de incumprires as condicións da Promoción?

No suposto de incumprires calquera das condicións establecidas nas Bases Legais, incluídas as obrigas que permanezan vixentes tras a entrega da bonificación nos termos previstos nestas, cancelaráse a Promoción e, no caso de que recibises a bonificación, terás a obriga de devolvela.

O BBVA realizará un cargo polo importe da bonificación entregada na Conta en que se realizase o ingreso da bonificación en concepto de penalización e aplicarase con independencia do saldo que manteñas na túa conta. No caso de non haber saldo suficiente, o cargo pola penalización xerará un descuberto.

Se incumpres as Bases Legais da Promoción, esta quedará automaticamente cancelada, aínda que con posterioridade cumpras as condicións.

10. Que acontece en caso de cometeres ou de existir fraude?

No caso de que o BBVA, ou calquera entidade que estea ligada profesionalmente á Promoción, detecte calquera anomalía ou sospeite que estás a impedir o normal desenvolvemento desta, poderá de forma unilateral eliminar a túa intervención na Promoción. Con esta finalidade, o BBVA habilitou os necesarios soportes tecnolóxicos para detectar unha posible actuación fraudulenta, anómala ou dolosa que pretenda alterar a participación co obxectivo de lograr a bonificación de forma ilícita. Polo tanto, o BBVA resérvase o dereito de eliminar o teu rexistro se evidencia ou sospeita unha actuación irregular no sentido descrito.

11. Cal é o período de reclamación?

O período de reclamación da Promoción finaliza transcorridos doce (12) meses desde a data de finalización do Período de Vixencia.

12. Que tratamento se dará aos teus datos de carácter persoal?

Banco Bilbao Vizcaya Argentaria, S.A. con domicilio social na Plaza de San Nicolás, 4, 48005, Bilbao e enderezo electrónico consultasgenerales@bbva.com é o responsable do tratamento dos datos persoais que nos facilites con motivo da túa participación na Promoción.

O BBVA necesita tratar os seguintes datos persoais: nome e apelidos, idade, NIF/NIE/pasaporte, número de Conta no BBVA e os débitos asociados a servizos de gas, luz, teléfono ou Internet das empresas indicadas no punto 1 domiciliados na antedita conta, coa finalidade de levar a cabo a organización, control e seguimento da Promoción e para a entrega da bonificación ou premio, en caso de cumprires coas condicións requiridas. A base de lexitimación é a execución do presente contrato.

Conservaremos os teus datos persoais para este tratamento concreto durante a vixencia da relación contractual. Unha vez finalizado o devandito prazo, manteremos bloqueados aqueles datos persoais que sexan necesarios durante os prazos de prescrición legal para os exclusivos efectos de reclamacións ou accións legais. Transcorridos os prazos de prescrición legal, destruiremos os teus datos.

BBVA non comunicará datos persoais a terceiros, salvo que a lei nos obrigue ou se obteña o correspondente consentimento para facelo.

Poderás exercer os teus dereitos de acceso, rectificación, supresión, oposición, limitación do tratamento e portabilidade, mediante un escrito a través de derechosprotecciondatos@bbva.com. A supresión dos datos necesarios para a xestión da Promoción suporá a baixa automática da Promoción. Se consideras que non tratamos os teus datos persoais de acordo coa normativa, poderás contactar co delegado de protección de datos do BBVA no enderezo dpogrupobbva@bbva.com. En calquera caso, poderás presentar unha reclamación ante a Axencia Española de Protección de Datos (www.aepd.es).

13. Que fiscalidade ten a bonificación?

O aboamento da bonificación constitúe un rendemento de capital mobiliario suxeito a retención aos tipos vixentes no momento de realizalo, que actualmente para residentes fiscais en territorio español é do 19%.

O BBVA, ademais do aboamento do importe bruto da bonificación, farache un cargo na conta correspondente á retención fiscal, ingresará ese importe no Tesouro por conta túa e porá a disposición, para a túa declaración da renda, a información fiscal correspondente. Imputarásese tanto o rendemento como a retención, independentemente do resto de titulares que houber na túa conta onde se domicilia. Todo o anterior, sen prexuízo das modificacións fiscais que se poidan realizar durante a validez desta promoción.

En caso de dúbida, consulta co teu asesor fiscal.

14. Cal é a responsabilidade do BBVA na Promoción?

O BBVA non se responsabiliza das posibles perdas, deterioracións, roubos, atrasos ou calquera outra circunstancia imputable a terceiros ou a Internet que puidesen afectar á túa participación na Promoción.

O BBVA resérvase o dereito de anular calquera participación ou calquera participante se existen sospeitas dunha manipulación incorrecta da Promoción.

Así mesmo, o BBVA exclúe calquera responsabilidade polos danos e perdas de toda natureza que, a pesar das medidas de seguridade adoptadas, puidesen deberse á utilización indebida dos servizos e dos contidos por parte dos participantes e, en particular, aínda que non de forma exclusiva, polos danos e perdas de toda natureza que poidan deberse á suplantación da personalidade dun terceiro efectuada por un usuario en calquera clase de comunicación realizada.

O BBVA queda facultado para resolver calquera continxencia non prevista nas presentes bases legais.

Aceptas que o BBVA poida adiar, acurtar, prorrogar, modificar, cancelar ou suspender a Promoción debido a causas de forza maior alleas ao seu control, en cuxo caso se compromete a informarte desa circunstancia o máis axiña posible.

No caso de que calquera apartado destas bases legais sexa declarado nulo ou inválido, seguirán en vigor os restantes apartados non afectados por el.

15. Lexislación e foro

Para calquera controversia aplicarase a lexislación española ante os xulgados e tribunais do cliente.